

ARREST
DV CONSEIL
D'ESTAT DV ROY,

*Vid le proces verbal
de l'assemblée du
Clergé de l'an 1670.
p. 222. & 290.*

Par lequel sa Majesté a renuoyé & renvoyé
au grand Conseil, les Curez pour les por-
tions congruës. avec défense à eux de
poursuiure les Abbez & Religieux, pour
raison de ce ailleurs qu'audit grand
Conseil.

Du 26. Feurier 1672.



A P A R I S,
Chez Antoine Vitré, Imprimeur ordinaire
du Roy, & du Clergé de France.

M. DC. LXXII.

Avec Privilege de sa Maïesté.

THE NEWBERRY
LIBRARY

LE Roy par ses Lettres Patentes, a permis Antoine Vitré son Imprimeur ordinaire, & du Clergé de son Royaume, d'imprimer, vendre & debiter tous les *Edicts, Declarations, Contracts, Arrests, Remonstrances, & generalement toutes les choses qui luy seront baillées par les Assemblées generales, ou par les Agens generaux du Clergé de France*, & ce pour le temps & espace de dix ans, à compter du jour qu'elles seront achenées d'imprimer. Avec defences à tous autres de les imprimer, faire imprimer, contrefaire, ny d'en auoir d'autres que de l'impression dudit Vitré, à peine de six mille liures d'amende, confiscation des exemplaires, dépens, dommages & interests; comme il est porté plus au long par lesdites Lettres données à Paris le 17. Feurier 1661. Signées Par le Roy en son Conseil, CHARLOT. Et scellées.

Case

F

39

326

1672 fc



EXTRAIT DES REGISTRES
du Conseil d'Estat.

SUR la Requête présentée au Roy estant
en son Conseil par les & Agens Gene-
raux du Clergé de France. Contenant que
l'Assemblée Generale du Clergé tenuë en
la Ville de Paris, en l'année 1666. ayant
remonstré à sa Maïesté, que bien que par
la Declaration du Roy Louys XIII. du 18.
Decembre 1634. & pour les raisons y con-
tenuës les portions congruës des Vicaires
perpetuels & Curez estant au deçà la Ri-
uiere de Loire, eussent esté réglées à la som-
me de deux cens liures par an, pour les
Curez des Eglise Parroissiales qui n'ont
point de Vicaires, & à celle de trois cens
liures pour ceux qui sont obligez d'auoir
des Vicaires, plusieurs Curez auoient vou-
lu contreuenir à ladite Declaration. A cau-
se de quoy sa Maïesté auroit accordé à ladi-
te Assemblée Generalle du Clergé, sa De-
claration du 30. Mars de ladite année 1666.
par laquelle elle auroit, en confirmant cel-
le du 18. Decembre 1634. réglé & moderé
lesdites portions congruës à ladite somme
de deux cens liures par an, pour les Curez
des Eglises Parroissiales qui n'ont point de

Vicaires, & à trois cens liures pour ceux qui sont obligez d'en auoir. Et en outre les Offrandes & droits casuels desdites Eglises. Ensemb^{le} les Fondations des Obits, & non les petites dixmes, nonobstant le 13. article de l'Ordonnance de 1629. & tous Edits & Reglemens faits au contraire, ausquels sa Maie^{sté} auroit derogé pour ce regard, & cette Declaration a esté adressée au grand Conseil, pour y estre Registrée, & y faire obseruer le contenu en icelle nonobstant oppositions, appellations ou autres differens quelconques qui pourroient estre meus en exécution d'icelle, dont la connoissance a esté attribuée audit grand Conseil, & icelle interdite à toutes les Cours des Parlemens & autres iuges Royaux, laquelle Declaration a esté Registrée audit grand Conseil, purement & simplement à la Requeste desdits Supplians, & depuis ce temps-là toutes les contestations qui sont suruenues pour le fait susdit ont esté portées audit grand Conseil. Mais depuis peu les Curez de la Neufville, lez Corbie, de Pons en Amiennois de Helly, de Bois, Bergue & autres leurs Consors, se sont pourueus au Conseil par Requeste, & sous pretexte des Arrests qui y ont esté rendus les 5. Feurier 20. Iuillet, 1666. & 5. Mars, 1667. 23. Septembre 1670. Et de l'Edit de sa Maie^{sté}, du

mois de Iuin dernier Registré au Parlement de Paris, le 21. Iuillet ensuiuant rendu pour le fait des pensions créées sur les Cures; dont sa Majesté a voulu reprimer l'abus sans neantmoins rien innouer au Reglement par elle fait, par sadite Declaration du 30. Mars 1666. pour les portions congruës qui est vn fait bien differend de celuy desdites pensions créées sur les Cures; lesdits Curez ont surpris vn Arrest au Conseil, le 2. Octobre dernier, portant renuoy de leur Requête au Parlement de Paris: tendante à ce que les Curez qui ne sont pas obligez d'auoir vn Vicaire; ioüyront de la somme de trois cens liures de reuenu par chacun an, & ceux qui en auront un ioüyront de quatre cens liures, le tout franc & quitte de toutes charges outre le Casuel, & creux de l'Eglise. Ce qui est directement contraire auxdites Declarations des 18. Decembre 1634. & 30. Mars 1666. dont lesdits Curez se sont bien gardez de faire aucune mention par leur Requête, parce que le Conseil auroit découuert leur artifice & leur surprise, & s'ils n'auoient pas fait confusion desdites pensions créées sur les Cures, & desdites portions congruës, & qu'ils eussent fait connoistre le Reglement fait pour lesdites portions congruës par lesdites Declarations registrées audit grand Conseil, qui sont di-

rectement contraires aux fins de leur Re-
 queste, sans doute elle auroit esté rejetée,
 ou en tout cas elle auroit esté renvoyée au-
 dit grand Conseil, par ce que la connois-
 sance luy en a esté attribuée priuatiement
 à tous autres juges & nullement au Parle-
 ment de Paris; où neantmoins lesdits Cu-
 rez ont fait assigner les Abbé & Religieux
 S. Pierre de Corbie, & ceux de l'Abbaye
 de S. Riquier & autres, en vertu dudit Ar-
 rest du Conseil, par eux surpris ledit iour
 2. Octobre dernier, desquelles assignations
 ils doiuent estre deschargez, sauf ausdits
 Curez à se pourvoir audit grand Conseil,
 s'agissant des portions congruës qu'ils de-
 mandent contre le Reglement porté par les-
 dites Declarations, & nullement des pen-
 sions créées sur les Cures : dont sa Maiesté
 a renvoyé la connoissance au Parlement de
 Paris. PARTANT requeroient lesdits Sup-
 plians qu'il pleust à sa Maiesté, sans s'ar-
 rester audit Arrest du Conseil du 2. Octobre
 dernier, qui sera cassé & annullé comme di-
 rectement contraire ausdites Declarations
 du 18. Decembre 1634. & 30. Mars 1666. En-
 semble lesdites assignations données audit
 Parlement, en vertu dudit Arrest dont les-
 dits Abbez & Religieux seront deschar-
 gez, faire deffences ausdits Curez de se
 servir dudit Arrest du Conseil, à peine de

deux mil liures damende tous dépens dommages & intereſts, ſauf à eux à ce pourvoir audit grand Conſeil, pour les fins de leursdites Requeſte ainſi qu'ils verront bon eſtre. VEV ladite Requeſte, ſignée Louis, Aduocat és Conſeil de ſa Maieſté & du Clergé de France, & de Meſſieurs Guyot & Muſſan anciens Aduocats eſdits Conſeils, ladite Declaration de ſa Maieſté du 30. Mars 1666. veriſée au grand Conſeil, le 16. Avril 1666. portant Reglement pour les portions congruës, leſdits Arreſts du Conſeil des 5. Feurier & 20. Iuillet 1666. 5. Mars 1667. premier Feurier 1669. & 23. Septembre 1670. ledit Arreſt du Conſeil obtenu ſur la Requeſte deſdits Curez du 2. Oôtobre dernier, les exploits d'aſſignation données audit Parlement auſdits Abbé & Religieux les 7. & 14. Nouembre dernier. O v y le rapport du ſieur Commiſſaire à ce député & tout conſideré. LE ROY ESTANT EN SON CONSEIL, ayant égard à ladite Requeſte, ſans s'arreſter audit Arreſt du Conſeil rendu ſur la Requeſte deſdits Curez, ledit iour 2. Oôtobre dernier, & aux aſſignations données en vertu d'iceluy auſdits Abbé & Religieux, audit Parlement de Paris, dont ſa Maieſté les a deſchargez, a renuoyé & renuoye la demande deſdits Curez en portion congruë audit grand Conſeil. En confe-

quence de ladite Declaration de sa Maiefté, du 30. Mars 1666. Pour leur estre fait droit ainfi que de raison, avec deffences de proceder ailleurs à peine de nullité, cassation des procedures, tous despens dommages & interests. FAIT au Conseil d'Estat du Roy, Sa Maiefté y estant tenu à S. Germain en Laye, le 26. iour de Feurier 1672.

Signé, COLBERT.

LOVIS par la Grace de Dieu, Roy de France & de Navarre : Au premier nostre Huiſſier ou Sergent sur ce requis ; Nous te mandons & commandons par ces presentes signées de nostre main, que l' Arrest ce iourd' huy donné en nostre Conseil d'Estat, Nous y estant, dont l' Extrait est cy-attaché sous le contre-seel de nostre Chancellerie. Tu signifies à tous qu' il appartiendra, à ce qu' ils n' enpretendent cause d' ignorance. Et fasses pour l' entiere execution d' iceluy tous commandemens, sommations, contraintes ; & autres actes & exploits nécessaires, sans pour ce demander autre permission. CAR tel est nostre plaisir. Donné à saint Germain en Laye, le 26. Feurier l' an de grace 1672. Et de nostre Regne le 29. Signé, LOVIS. Et plus bas, par le Roy, COLBERT, Et scellé du grand Sceau de cire jaune.

Collationné aux Originaux par moy Conseiller, Secretaire du Roy, Maison & Couronne de France, & des ſes Finances,